



Broj: 05-01-40-3002-3/16.  
Mostar, 17.11.2016. godine

Na osnovu člana 32. Pravilnika o dodjeljivanju stipendija, zajmova, naknadi dijela troškova školarina i subvencioniranju smještaja u studentski dom („Službene novine HNK“, broj: 6/10 i 8/11) Ministarstvo obrazovanja, nauke, kulture i sporta HNK, raspisuje

### KONKURS

za dodjelu stipendija i subvencija smještaja u studentske domove redovnim studentima s područja Hercegovacko-neretvanskog kantona u akademskoj 2016./2017. godini

#### I.

Raspisuje se konkurs za dodjelu stipendija i subvencija smještaja u studentske domove (u daljnjem tekstu: subvencija smještaja) redovnim studentima prvog i drugog ciklusa visokog obrazovanja s područja Hercegovacko-neretvanskog kantona (u daljnjem tekstu: HNK-a) za akademsku 2016./2017. godinu.

#### II.

Uslovi za apliciranje na konkurs za dodjelu stipendije i subvencije smještaja su sljedeći:

- status redovnog studenta
- državljanstvo BiH
- stalno prebivalište studenta i roditelja u HNK najmanje godinu dana prije raspisivanja konkursa, što potvrđuju potvrdama o prebivalištu koje nisu starije od šest mjeseci,
- da nisu stariji od 21 godinu kada upisuju prvu godinu studija
- da nemaju bespovratnu finansijsku pomoć Ministarstva obrazovanja, nauke, kulture i sporta HNK (u daljnjem tekstu: Ministarstva) ili drugog davaoca (iz sredstava budžeta i vanbudžetskih fondova bilo kojeg nivoa vlasti u BiH, javnih preduzeća ili javnih ustanova)
- da nemaju subvencioniran smještaj u studentskom domu
- da ne studiraju u inostranstvu ako takav studij na maternjem jeziku postoji u Bosni i Hercegovini
- da tokom studija nisu obnovili više od jedne godine, s tim da to ne može biti godina u kojoj konkurišu za stipendiju ili subvenciju smještaja.

#### III.

Pravo učestvovanja na konkursu za subvenciju smještaja imaju studenti koji ispunjavaju uslove iz tačke II., a korisnici su usluga studentskih centara (domova) u FBiH, čije je prebivalište izvan područja jedinice lokalne samouprave na kojoj se nalazi studentski dom.

#### IV.

Kriteriji za dodjelu stipendije/subvencije smještaja su sljedeći:

- (a) opći uspjeh iz srednje škole (za studente prve godine)
- (b) prosjek ocjena svih položenih ispita (za studente ostalih godina)
- (c) deficitarnost zanimanja (Odlukom utvrđuje Ministarstvo)
- (d) dobivene nagrade (prethodna akademska godina)
- (e) osvojena mjesta na takmičenjima relevantnim za studij (prethodna akademska godina)
- (f) sudjelovanje u odobrenim projektima, stručnim i naučnim (prethodna akademska godina)

- (g) objavljeni radovi i knjige relevantne za studij (prethodna akademska godina)
- (h) socijalni status (dokaz mjerodavne službe)
- (i) ostalo.

#### V.

Od bodovanja po kriterijima iz prethodne tačke izuzimaju se:

- studenti prve godine studija koji su u školskoj 2015./2016. godini proglašeni za đaka generacije u nekoj od srednjih škola na području HNK
- studenti sa prosječnom ocjenom studija 10,00 ili 5,00.

#### VI.

Prijave na konkurs podnose se na prijavnim obrascu koji se može preuzeti u prostorijama Ministarstva ili na službenoj stranici Vlade HNK ([www.vlada-hnz-k.ba](http://www.vlada-hnz-k.ba)) i na web stranici Ministarstva ([www.monkshnk.gov.ba](http://www.monkshnk.gov.ba)).

Uz popunjenu prijavu priložiti dokumentaciju kojom se potvrđuju činjenice definisane od tačke II. do tačke V. Konkursa. Dokumenti moraju biti originali, ili ovjerene kopije (popis dokumenata je naveden u prilogu Prijave na konkurs).

#### VII.

Odluka o visini stipendije i broju stipendista u akademskoj 2016./2017. godini te Odluka o broju studenata kojima će biti subvencioniran smještaj u studentski dom, mjesečni iznos subvencije i način isplate, donijet će se naknadno.

#### VIII.

Bodovna lista bit će objavljena u roku od 30 dana od dana zatvaranja konkursa na oglasnoj tabli Ministarstva, te na službenoj stranici Vlade HNK i Ministarstva.

U roku od 5 dana od dana objave liste studenti mogu uložiti prigovor ministru.

Nakon rješavanja prigovora, ministar donosi Odluku o studentima sa kojima će zaključiti Ugovor o stipendiranju, te Odluku o studentima koji su ostvarili pravo na subvenciju smještaja u studentski dom u akademskoj 2016./2017. godini.

#### IX.

Prijave za stipendiju i subvenciju smještaja sa potrebnom dokumentacijom dostavljaju se u roku od 15 dana od dana objave konkursa, putem pošte na adresu:

**Ministarstvo obrazovanja, nauke, kulture i sporta HNK**

**Stjepana Radića 3/III, 88 000 Mostar**

**sa naznakom: „Za konkurs za dodjelu stipendija i subvencija smještaja“.**

**Nepotpune i neblagovremene prijave neće se razmatrati.**

#### **NAPOMENE:**

- Ostvarivanje prava na subvenciju smještaja isključuje pravo na stipendiju i obrnuto.
- Iz istog zajedničkog domaćinstva samo jedan student može biti korisnik stipendije ili subvencije smještaja.
- Student nema pravo na stipendiju ili subvenciju smještaja ukoliko koristi stipendiju drugog stipenditora.

**MINISTAR**

dr.sc. Rašid Hadžović